

古今圖書集成

中国学术类编

銓衡典

(三)

欽定古今圖書集成經濟彙編銓衡典

第七十八卷目錄

祿制部彙考八

皇清 一則 順治十六年 康熙十五年

銓衡典第七十八卷

祿制部彙考八

皇清

國初頒定宗室及文武百官祿制
大清會典宗室俸祿

王朝頒祿首重懿親視爵秩之尊卑定俸給之多寡銀米兼支歲有定額詳列於後

本折額數歷年增減不一今就現給定額於前而歷年事例附後

和碩親王歲支銀一萬兩米五千石

世子歲支銀六千兩米三千石

多羅郡王歲支銀五千兩米二千五百石

長子歲支銀三千兩米一千五百石

多羅貝勒歲支銀二千五百兩米一千二百五十石

十石

固山貝子歲支銀一千三百兩米六百五十石

鎮國公歲支銀七百兩米三百五十石

輔國公歲支銀五百兩米二百五十石

一等鎮國將軍歲支銀四百一十兩米二百五十石

二等鎮國將軍歲支銀三百八十五兩米一百九十二石五斗

三等鎮國將軍歲支銀三百六十兩米一百八十石

一等輔國將軍歲支銀三百一十兩米一百五十五石

二等輔國將軍歲支銀二百八十五兩米一百四十二石五斗

三等輔國將軍歲支銀二百六十兩米一百三十石

一等奉國將軍歲支銀二百一十兩米一百五十石

二等奉國將軍歲支銀一百八十五兩米九十二石五斗

三等奉國將軍歲支銀一百六十兩米八十石

奉恩將軍歲支銀一百一十兩米五十五石

固倫公主歲支銀四百兩米二百石

和碩公主歲支銀三百兩米一百五十石

郡主歲支銀二百五十兩米一百二十五石

縣主歲支銀二百二十兩米一百一十石

郡君歲支銀一百九十兩米九十五石

縣君歲支銀一百六十兩米八十石

鄉君歲支銀一百三十兩米六十五石

國初勅諭諸臣皆賜莊田以代常祿後令每歲按秩給俸本折兼支增減不一今備列見給數目於後

固倫公主額駙歲支銀二百八十兩米一百四十石

和碩公主額駙歲支銀二百五十五兩米二百二十七石五斗

郡主額駙歲支銀二百三十兩米一百一十五石

縣主額駙歲支銀一百八十兩米九十石

郡君額駙歲支銀一百五十五兩米七十七石五斗

縣君額駙歲支銀一百三十兩米六十五石

鄉君額駙歲支銀一百五兩米五十二石五斗

一等公歲支銀七百兩米三百五十石

二等公歲支銀六百八十五兩米三百四十二石五斗

三等公歲支銀六百六十兩米三百三十石

閒散公歲支銀二百五十五兩米一百二十七石五斗

一等侯又一拖沙喇哈番歲支銀六百三十五兩米三百一十七石五斗

二等侯歲支銀六百一十兩米三百五石

三等侯歲支銀五百八十五兩米二百九十二石五斗

閒散侯歲支銀五百六十兩米二百八十石

一等伯又一拖沙喇哈番歲支銀五百三十五

五八司書集

兩米二百六十七石五斗
一等伯歲支銀五百一十兩米二百五十五石
二等伯歲支銀四百八十五兩米二百四十二石五斗
三等伯歲支銀四百六十兩米二百三十石
伯品級官歲支銀二百五兩米一百二十石五斗
一等精奇尼哈番又一拖沙喇哈番歲支銀四百三十五兩米二百一十七石五斗
一等精奇尼哈番歲支銀四百一十兩米二百五石
二等精奇尼哈番歲支銀三百八十五兩米一百九十二石五斗
三等精奇尼哈番歲支銀三百六十兩米一百八十石
精奇尼哈番品級官歲支銀一百八十兩米九十石
一等阿思哈尼哈番又一拖沙喇哈番歲支銀三百三十五兩米一百六十七石五斗
一等阿思哈尼哈番歲支銀三百一十兩米一百五十五石
二等阿思哈尼哈番歲支銀二百八十五兩米一百四十二石五斗
三等阿思哈尼哈番歲支銀二百六十兩米一百三十石
阿思哈尼哈番品級官歲支銀一百五十五兩米七十七石五斗
一等阿達哈哈番又一拖沙喇哈番歲支銀二

百三十五兩米一百一十七石五斗
一等阿達哈哈番歲支銀二百一十兩米一百五石
二等阿達哈哈番歲支銀一百八十五兩米九十二石五斗
三等阿達哈哈番歲支銀一百六十兩米八十石
阿達哈哈番品級官歲支銀一百三十兩米六十五石
拜他喇布勒哈番又一拖沙喇哈番歲支銀一百三十五兩米六十七石五斗
拜他喇布勒哈番歲支銀一百一十兩米五十五石
拜他喇布勒哈番品級官歲支銀一百五兩米五十二石五斗
拖沙喇哈番歲支銀八十五兩米四十二石五斗
拖沙喇哈番品級官歲支銀八十兩米四十石
凡在京文武官俸俱按品級支給其俸銀滿漢一例頒發俸米滿洲蒙古漢軍官員初定每俸銀二兩支米三斛後定每俸銀一兩支米一斛漢官不論品俱歲支米十二石每年春秋二季支給詳列於後
正從一品歲給俸銀一百八十兩
正從二品歲給俸銀一百五十五兩
正從三品歲給俸銀一百三十兩
正從四品歲給俸銀一百五兩

正從五品歲給俸銀八十兩
正從六品歲給俸銀六十兩
正從七品歲給俸銀四十五兩
正從八品歲給俸銀四十兩
正九品歲給俸銀三十三兩一錢一分四釐
從九品歲給俸銀三十一兩五錢二分
雜支凡內外支領錢糧立法稽核移令虛冒近經議定
內府及各衙門需用一應錢糧物料俱令職官親行取送庶不致有混冒之弊云 凡庶吉士在館讀書每員按季給米四斗七升七合 凡歸附投誠官員該撫察明品級功績酌議給送冊報部 凡國子監官學教習每員按季支米三石在監肄業諸生除八旗不給外其餘監生每名月給米三斗
順治元年
大清會典宗室俸祿凡支給順治元年題准歲給俸銀親王一萬兩郡王五千兩貝勒二千五百兩貝子一千二百五十兩公六百二十兩 凡外藩王以下官員俸祿順治初照封授爵秩給與俸祿 凡在京文武官俸順治元年題准漢文武官俸給柴直銀兩總歸戶部頒發文官正一品歲實支俸銀二百一十五兩五錢一分二釐從一品實支一百八十三兩八錢四分四釐正二品實支一百五十二兩一錢七分六釐從二品實支一百二十兩五錢八釐正三品實支八十八兩八錢四分從三品實支六十六兩九錢

經濟彙編餘衡典第七十八卷職制部

第六七三冊 之三 四葉

戶部彙集

一分六釐正四品實支六十二兩四分四釐從四品實支四十八兩七錢六分四釐正五品實支四十二兩五錢五分六釐從五品實支三十七兩六錢八分四釐正六品實支三十五兩四錢六分從六品實支二十九兩八分四釐正七品實支二十七兩四錢九分從七品實支二十五兩八錢九分六釐正八品實支二十四兩三錢二釐從八品實支二十二兩七錢八釐正九品實支二十一兩一錢一分四釐從九品實支十九兩五錢二分武官正一品歲實支俸銀九十五兩八錢一分二釐從一品實支八十一兩六錢九分四釐正二品實支六十七兩五錢七分六釐從二品實支五十三兩四錢五分八釐正三品實支三十九兩三錢四分從三品實支二十九兩五錢六分六釐正四品實支二十一兩三錢九分四釐從四品實支二十一兩五錢正五品實支一十八兩七錢六釐從五品實支一十六兩五錢三分四釐從六品實支一十五兩二錢一分從六品實支一十二兩四錢三分四釐又一品二品歲額柴薪銀一百四十四兩大學士加宮保者加柴薪銀二十四兩三品一百二十兩四品七十二兩五品六品四十八兩七品三十六兩八品二十四兩九品一十二兩又直堂直廳每名歲給銀十兩宗人府一十二名內閣十四名詹事府一十二名左右春坊各八名司經局七名翰林院十五名四譯館十二名吏部六十六名戶部一百三十三名禮部六十六名

兵部六十五名刑部一百一名工部五十八名都察院五十三名通政司五十名大理寺二十二名六科二十四名尚書司七名中書科四名太常寺二十四名光祿寺四名國子監十名太僕寺十二名鴻臚寺二十九名行人司七名欽天監十九名太醫院十名上林苑監四名錦衣衛二十六名凡在外文武官俸順治元年令總兵官月支俸銀五十兩副將月支俸銀三十兩參將月支俸銀二十兩遊擊月支俸銀十五兩守備月支俸銀七兩

順治二年
大清會典凡贈給順治二年題准覺羅幼丁每戶月給銀二兩凡在京衙門公費順治二年定各衙門官員分別等次每月支給公費銀有差又令纂修書史官員加倍支給公費凡國子監官學教習順治二年議准國子監移取順天生員教八旗子弟讀書每名月給米二斛凡辦事人員順治二年令守門及收稅馬法月支銀二兩又令吏部聽事八旗人役禮部值宴執轎人等每名月支銀八錢

順治三年
大清會典凡在京文武官俸順治三年議准給滿洲蒙古漢軍官俸銀有差
順治四年
大清會典凡在外文武官俸順治四年議准在外文職照在京文官按品支給俸銀外總督歲支薪銀一百二十兩疏菜燭炭銀一百八十兩心紅

紙張銀二百八十八兩案衣家伙銀六十兩巡撫歲支薪銀副都衙一百二十兩食都衙七十兩疏菜燭炭銀一百四十四兩心紅紙張銀二百一十六兩案衣家伙銀六十兩總巡官照品支俸薪外歲支疏菜燭炭銀一百八兩心紅紙張銀一百八兩案衣家伙銀六十兩學院及巡按巡鹽巡茶巡倉御史歲支薪銀三十六兩疏菜燭炭銀一百八十兩心紅紙張銀三百六十兩左布政使支薪銀一百四十四兩疏菜燭炭銀八十兩心紅紙張銀一百二十兩修宅家伙銀四十八兩案衣銀五十二兩右布政使支薪銀一百四十四兩疏菜燭炭銀四十兩心紅紙張銀四十兩案伙銀四十兩按察使歲支薪銀一百二十兩疏菜燭炭銀八十兩心紅紙張銀一百二十兩修宅家伙銀四十八兩案衣銀五十二兩各道歲支薪銀參政一百二十兩副使參議七十二兩食事四十八兩疏菜燭炭銀五十兩心紅紙張銀五十兩修宅家伙銀五十兩布政使司經歷理問歲支薪銀四十八兩都事薪銀三十六兩照磨薪銀二十四兩檢校薪銀十二兩按察司經歷薪銀三十六兩知事薪銀二十四兩照磨校校薪銀十二兩知府歲支薪銀七十二兩心紅紙張銀五十兩修宅家伙銀五十兩案衣銀二十兩府同知通判歲支薪銀四十八兩心紅紙張銀二十兩修宅家伙銀二十兩案衣銀二十兩推官歲支薪銀三十六兩心紅紙張銀二十兩修宅家伙銀

見故子能如吾之教乎維曰謹奉命岐王則出錦繡衣服鮮華奇異道維來之仍令齋琵琶同至公主之第岐王入曰承貴主出內故攜酒樂奉燕即令張筵諸伶旅進妙年潔白丰姿都美立於前行公主顧之謂岐王曰斯何人哉答曰知音者也即令獨奏新曲聲調哀切滿座動容公主自詢曰此曲何名維起曰號鬱輪袍公主大奇之岐王曰此生非止音律至於詞學無出其右公主尤異之則曰子有所為文乎維即出獻懷中詩卷公主主覽讀驚駭曰皆我素所誦習者常謂古人佳作乃子之為乎因令更衣升之客右維風流蘊藉語言諧戲大為諸貴之所欽矚岐王因曰若僕京兆今年得此生為解頭誠為國華矣公主乃曰何不遣其應舉岐王曰此生不得首薦義不就試然已承貴主論託張九舉矣公主笑曰何預兒事本為他人所託願謂維曰子誠取解當為子力維起謝謝公主則召試官至第遣官婢傳教維遂作解頭而一舉登第

試兩場而馬植不解植將家子從事穠笑曰此未可知已而試登山採玉賦略曰文豹且異於驪龍採斯疎矣白石又殊於蚌蚌剖莫得之公大服其精遂奪解元後洪正自丞郎將判饒侯為植所據復以手札戲植曰昔日華元已遭毒手今來饒縣又中老拳謔言白樂天守杭州東進士多奔杭取解時張祜徐凝俱至祜曰僕為解元宜矣凝曰君有何佳句祜曰甘露寺詩有日月光先到山河勢盡來金山寺有樹影中流見鐘聲兩岸聞凝曰善則善矣奈無野人句云千古長如白練飛一條界破青山色祜愕然凝果獲選

於公家如是而挾商旅於關節繩之以法彼亦何辭今不復開舉此法矣
澠水燕談錄咸平元年開封發解以高補堯為首登易次之易有時名不得赴薦頗不平上書言試題既涉機譎補堯亦請以解頭讓易上命錢若水覆考既而上以為士人爭進不可長止令權文行輩者一人為首乃以孫覿為第一補堯次之
容齋四筆天禧二年九月勅差屯田員外郎判度支計院任布著作郎直史館徐叟太子中允直集賢院麻溫其並充開封府發解官十月差兵部員外郎直集賢院楊侃太子中允直集賢院丁度並國子監發解官十一月解一百四人解元郭慎十六日宣翰林學士錢惟演度樞密直學士王晦叔龍圖閣待制李虛已李行簡覆考開封舉人為落解舉人有訟不平者及奏名郭慎依舊其餘覆落并却考上人數甚多十二月發解官並降差遣任布鄧州徐與洪州楊侃江州丁度齊州並監稅此事見於錢不難紀用五侍從覆考解試前後未之有也
程史內黃傳狂能知人王沂公曾始就鄉舉狂偶俟其姻於棘蘭之外遇之明日以雙筆要而遺之曰公必冠多士位宰相他日母相忘聞者皆笑狂不為作遂定交傾囊以助其用
青箱雜記余皇祐壬辰歲取國學解試律設大法賦得第一名樞密邵公元翰林賈公瞻密直蔡公抗修注江公休復為考官內江公尤見知語余曰滿揚程試皆使蕭何惟足下使蕭規對漢約足見其追尋細膩又所問春秋策對各詳備及賦押秋茶之密用唐

宗教受錄事諸君皆不見云只有秦法繁於秋奉密於弊脂然則君何出全避席敝衽自陳遠方寒士一旦程文誤中既采因對自文選策秀才文有解秋茶之密唐宗敕受錄事出杜佑通典唐書即入載公大喜又曰滿場使次皆皆作刺骨對疑脂惟足下用杜周傳作次骨又對吹毛只這亦堪作解元余再三遲謝

老學菴筆記祖宗故事命官錄舉進士者先所屬選官考試所舉通者方聽取解至省試程文紕繆者勒停不合格者亦贖銅放未不得應舉天聖間方除前制然未久又詔文臣許錄舉兩次武臣止許一次其嚴如此近歲泛許人應博學宏辭遂有妄以此自稱或假手作所舉獻禮部亦許試而程文繆不可讀亦無以懲之始非也

鄉貢子天聖中鄧州秋舉舊例主文到縣鄉中長上率後進見主文是年主文乃唐州一職官年老頗饒語說實見有輕薄後生前曰舉人所係甚大願先生無過雖既引試賦桐始華以姑洗之月桐始華矣依次用諸滿場開筆不下乃復至簾前啓曰前日無狀後進輒以妄言仰煩先生果蒙以難韻見困願易之主文曰老人渴睡不能卒易可來日再見訪諸生諾而退是夜主文遂逐去車運司云鄧州滿場曳白是年遂罷舉聞之於南陽老儒李億德又云昔待監司極小又士人多自重不肯妄求故多老於選調要漢筆談舊制天下貢舉人到闕悉皆入對數不下三千人謂之舉見遠方士皆未知朝廷儀範班列紛錯有司不能遍勸見之日先設禁圍於著位之前舉

人皆拜於禁圍之外蓋欲限其前列也至有更相抱持以望黜座者有司患之近歲遂止令解頭入見然尚不減數百人嘉祐中予忝在解頭別爲一班最在前列目見班中唯從前一兩行稍應拜起之節自餘亦終不成班級而罷每爲閤門之累常言殿庭中班列不可整齊者唯有三邑謂舉人舊人略曉

揮塵後錄汪輔之宣州人少年有俊聲皇祐中竟舉開封以周以宗強爲賦題場中大得意既出宣言於衆必爲解魁偶與數客飲於都城所謂壽州王氏酒樓聞鄰閤有吳音士人亦同場試者誦其所作輔之方舉酒失措墜梧郎就約共坐詢其姓氏乃云湖州進士沈初也輔之云適聞公程文必奪我首焉然我亦須作第二人後數日榜出果然是汪輔之登第熙寧中爲職方郎中廣南轉運使

宋史常安民傳安民字希古邳州人年十四入太學有俊名熙寧以經取士學者翕然宗王氏安民獨不爲慶春試考第一主司啓封見其年少欲下之判監常扶不可曰糊名較藝豈容輕易具以白王安石安石稱其文命學者視以爲準由是名益盛安石欲見之不肯往

宋綬傳綬字敏求官龍圖閣直學士嘗建言河北陝西河東舉子性朴茂而辭藻不工故登第者少請令轉運使擇薦有行藝材武者特官之使人材參用而士有可進之路後頗施行之

小學李君行名潛茂州人入京至泗州面詰其子弟請先往君行問其故曰科場近欲先至京師費開封戶籍取應君行不許曰汝茂州人而買開封戶籍欲

求事君而先欺君可乎舉選幾數年不可行也老學菴筆記唐人本以尚書省在大明宮之南故謂之南省自建武軍興蜀士以險遠許就制置司類試與省試同間有願赴行在省試者亦聽之蜀士因謂之赴南省以大駕在東南也尤非是

名臣言行錄外集紹興十七年朱晦庵先生年十八中建寧鄉舉考官蔡茲謂人曰吾取中一後生三策皆欲爲朝廷措置大事他日必非常人老學菴筆記蜀俗厚何耕類省試卷中有云是何道也夫道夫耕字也初未必有心耕有時名會有司亦自奇其文遂以冠蜀士士亦皆以得人相賀而不議其偶近暗號也師渾南本名某字渾甫既拔解志高退不赴省試其弟乃冒其名以行不以告渾甫也俄遂登第渾甫因以字爲名而字伯渾人人盡知之弟仕亦至郡倅無一人議之者此事若在閩浙訟訴紛然矣

齊東野語蜀中類試相傳主司多私意與士人相約爲暗號中朝亦或有之而蜀以爲常李壁季章填季未同登庚戌科已有赴類省試二公皆以文名一時而律賦非所長鄉人侯某者以能賦稱因資之以潤邑既嘗卷不以詩示侯侯疑其必有謂將出門侯故少留李遂先出而侯踵其後至納卷所扣吏以二李卷子欲借一觀以小金牌與之吏取以示則詩之景聯皆曰日射紅鸞扇風清白獸樽侯即於已卷改用之既而皆中選二李謝主司主司問此二句惟以授於昆仲何爲又以與人李恍然不知所以他日微有所聞終身與侯不協

匹至銀一千二百兩銀十五匹不等員勒俸銀八百兩銀十三匹員子俸銀五百兩銀十四匹國公俸銀三百兩銀九匹補國公俸銀二百兩銀七匹因倫公主額駙俸銀三百兩銀十四匹郡主額駙俸銀一百兩銀八匹縣主額駙俸銀五十兩銀五匹

順治十五年

大清會典凡賜給順治十五年議准宗室妃夫人等婦居者支給半俸銀米一年

順治十七年

大清會典凡教官生員俸廉順治十七年議准廉糧銀仍舊全給

順治十八年

大清會典凡支給順治十八年題准在內固倫公主俸銀四百兩和碩公主三百兩郡主二百五十兩縣主二百二十兩郡君一百九十兩縣君一百六十兩郡君一百三十兩又下嫁外藩公主俸銀二百兩銀十二匹縣君俸銀四十兩銀五匹郡君俸銀三十兩銀四匹凡在京文武官俸順治十八年議准滿洲官員年未六十以上致仕者照原品給與半俸銀米若年未及六十致仕者不准支給外藩俸祿順治十八年議准和碩公主額駙歲給俸銀二百兩銀九匹郡君額駙歲給俸銀四十兩銀五匹縣君額駙俸銀三十兩銀三匹郡君額駙俸銀二十兩銀三匹外藩世職官俸照內官俸減半給發凡在京衙門公費順治十八年題准各衙門筆帖式

月給公費銀一兩又令宗人府公以下仍支公費員子以上不准支給凡辦事人員順治十八年令看守

壇廟殿廠庫樓太監每名按季給銀七兩五錢米九斗遞減至銀一兩五錢或止給米七斗五升不等欽天監天文生每名月給銀一兩每季給米二石一斗陰陽人每名月給銀一兩米三斗刑部督捕醫士每名每半年各支藥價工食銀二十兩四錢米二石四斗太醫院切藥醫士每名按季給銀一兩五錢米一石五斗醫士每名按季給米一石八斗醫士每名按季給米一石二斗上駟院獸醫每季各支銀三兩米三石各廟道官每名月給銀二兩或一兩米三斗酒掃人月給銀五錢米三斗又住持每名按季給銀六兩僧道每名按季給銀三兩或一兩五錢各按季給米三斗樂舞生每季各支銀九錢二分七釐米九斗九升

康熙元年

大清會典凡在京文武官俸廉康熙元年題准舊原品隨旗上朝各官及奉

特旨留原品閒住停免上朝各官俱照原品支俸休致支半俸官員故後伊妻不准再給題准在外武官給俸舊例至五品止營千把總止支廉給今足千總六品每季俸薪銀一十二兩把總七品每季俸薪銀九兩凡教官生員俸廉康熙元年議准膳夫銀全裁仍留給廉糧三分之一

康熙三年

大清會典外藩俸祿康熙三年議准外藩公主以下亡故額駙有爵秩者仍准給俸無爵秩者停支

康熙七年

大清會典額駙世職官員俸祿康熙七年題准外任旗員有革職休致而仍留世職者該都統查送戶部以到京日為始給與世職俸祿凡在外文武官俸廉康熙七年議准裁減各官心紅紙張銀仍留給總督巡撫一百兩布政使學院巡倉六十兩按察使五十兩織造河差三十兩巡鹽各道運使二十兩知府二十五兩同知通判十兩知州知縣十五兩運同運副運判提舉十兩掌印都司十五兩提捕都司十兩領運都司衛守備八兩千總四兩

康熙八年

大清會典凡在外文武官俸廉康熙八年題准罰俸各官病故督撫報免其降調丁憂裁缺離任各官照原品追銀凡歸附投誠官員康熙八年議准嗣後各省投誠官兵令其墾荒以到汛日為始支給俸餉

康熙九年

大清會典凡在外文武官俸廉康熙九年題准督撫有原加一二品銜者照原品支俸若三品以下官推授者仍支三品俸又議准各官俸銀照除荒實徵數支領其罰俸亦照除荒徵數扣解

康熙十年

大清會典康熙十年議准在京漢官俸照滿官例每

古今圖書集成

年兩次支給其俸銀各衙門總領分給初授陞轉官員吏兵二部遇給放之日咨送到者准其支俸過期者不准補給 外藩俸祿康熙十年題准已故官員無嗣者其母妻與養職人均支俸祿如承襲後還轉之秩不得分支其俸
康熙十一年

大清會典康熙十一年令外官陞巡撫者准支原俸又議准在外武職有軍功議敘俸滿推陞加署職銜與實銜同品者准其照品支俸朱薪蔬菓等銀照職任支給
康熙十二年

大清會典凡在京文武官俸康熙十二年議准旗員年至六十歲告老解任者查明歷俸深淺有無効力應否給與半俸具題請旨未至六十歲告老解任者不准給俸駐防官員告老仍在外省居住及漢軍任綠旗官年老告退回京者不給半俸

內府佐領官員及有世職襲替者亦不准給凡在外文武官俸康熙十二年議准遇閏加增官役俸薪併據實銀各省照舊編入全書
康熙十四年

大清會典凡在外文武官俸康熙十四年議准外官內屋官堂者不准帶外品食俸止照見任支給
康熙十五年

大清會典凡散官生員俸康熙十五年議准直官復設散職不添給俸令二員均支
康熙十七年

大清會典外藩俸祿康熙十七年題准已故王貝勒貝子公等應補給之俸不俟承襲當支給特一體支給
康熙二十年

大清會典凡在京各衙門公費康熙二十年恩詔准給各衙門官員每月公費左右宗人大學士尚書左都御史總督總督衙門內大臣各五兩侍郎學士副都通政各三兩內務府總管詹事宗人府府丞倉都察院使各四兩左右通政各少卿少詹祭酒內閣侍讀學士翰林院侍讀學士侍講學士庶子宗人府理事官督捕左右理事官諭德洗馬監正院使郎中冠軍使及滿洲給事中滿洲漢軍御史各三兩內閣侍讀翰林院侍讀侍講參議寺丞中允贊善司業修撰編修檢討庶吉士宗人府副理官員外郎主事宗人府都察院經歷都事內閣典籍中書中書科中書舍人通政司知事翰林院典簿待詔孔目詹事府正字主簿錄事寺正寺副讀祝官太常寺贊禮郎祀丞署丞丞鴻臚寺鳴贊監副五官正院判兵馬司指揮副指揮吏目司庫雲廳使治儀正內閣貼寫監生翰林院詹事府有品筆帖式及漢給事中漢御史各二兩二錢大理寺評事太常寺博士各部司務理藩院知事副使通政司鑾儀衛經歷鴻臚寺序班國子監監丞博士典簿光祿寺典簿鴻臚寺主簿欽天監主簿量臺郎聖壺正司曆監候博士天文生陰陽生太醫院御醫吏目整儀尉內閣鑾儀衛筆

帖式翰林院無品筆帖式各一兩五錢國子監助教學正學錄典籍各部院衙門筆帖式烏林人內閣貼寫官學生各一兩
康熙二十三年

大清會典凡在京文武官俸康熙二十三年議准在京王以下滿洲文武官員俸祿於每年兩季末給之前查明實在員數先行題請如有例俸降級者照各衙門移送印文隨時裁扣
康熙二十四年

大清會典凡在京文武官俸康熙二十四年春秋二季給發王以下滿洲蒙古漢軍官俸銀共一百一十萬一千八百四十四兩六錢九分七釐五毫俸米三百萬二千六百九斗零漢官俸銀共三萬八千五百三十七兩三錢一分二釐五毫俸米八千五百二十五石二斗
上三旗內大臣以下待衛藍翎以上員缺康熙二十四年

論調補侍衛各官或照原品食俸或照新任食俸俱請旨定奪 凡散官生員俸康熙二十四年議准康熙生員俸給三分之二
康熙二十五年

大清會典外藩俸祿康熙二十五年支給外藩公主王以下都沙喇哈番以上俸銀共六萬五千三百六十七兩零銀共一千一百四十八匹 凡辦事人員康熙二十五年題准
盛京刑部醫生照京城刑部例支給工食藥價

欽定古今圖書集成經濟彙編銓衡典

第七十九卷目錄

祿制部總論

禮記王制月令坊記

潛夫論

申鑒

開府元龜

文獻通考

大學衍義補

古今治平略

雙溪雜記

祿制部藝文

祿制論

辭職賦

官吏清廉策

省官併俸減使策

百官職田策

復天下州縣官職田勅

各傳守劄子

乞官觀劄子

申建軍府改正勸勤俸給狀

答龔參政書

請令文武致仕官依外任官給俸錢

爵祿

論祿米

定實支以別親疏

呂公著

明何喬新

王瓊

徐恪

議處官吏廉俸

王守仁

坊記

而恩命蓋賜之者也
有國家者貴人而賤祿則民興讓尚技而賤車則民興藝

賤祿賤車非輕祿器也特以貴尚賢能而不吝於所當與耳

潛夫論

班祿

銓衡典第七十九卷

祿制部總論

禮記

王制

司馬辨論官材論進士之賢者以告於王而定其論
論定然後官之任官然後爵之位定然後祿之

嚴陵方氏曰若司徒司馬之類所謂官若公卿大夫所謂爵若或食九人或食八人所謂祿官所以居之爵所以貴之祿所以富之也官非賤者之可居故既官之必爵之爵之必富之也官非賤者之既爵之必祿之其序如此

月令

孟夏之月命太尉贊俊選賢良舉長大行爵出祿必當其位

當其位者爵必當有德之位祿必當有功之位也

秋季之月收祿秩之不當供養之不宜者

收謂索之使還各依本等祿秩不當謂不當得

經濟彙編銓衡典第七十九卷祿制部

大夫之制

於大夫大國之卿四於大夫食二百八十八人君各什其卿天子三公侯采視公侯蓋方百里卿采視伯方七十里大夫視子男方五十里元士視附庸方三十里功成者封是故官政專公不慮私家子弟事學不與財利閉門自守不與民交爭而無饑寒之道而不陷臣養優而不隘吏愛官而不貪民安靜而強力此則太平之基立矣乃惟慎選明必黜陟官得其人任其職飲若昊天敬授民時同我婦子饁彼南畝上壽節禮正身示下悅其政各樂竭己奉戴其上是以天地交泰陰陽和平民無奸匪機衡不傾德氣流布而頌聲作也其後忽養賢而聽鳴思背宗族而采繁忽履畝稅而碩鼠作賦斂重譯告通班祿頌而領甫賴行人定而端黷過故遂耗亂衰弱及周室微而五伯作六國敵而秦秦興背義理而尚威力滅典禮而行貪叨重賦斂以厚己強臣下以弱枝文德不獲封爵列侯不獲是以賢者不能行禮以從道品臣不能無耗以從利君又驟敎以縱賦民無恥而多盜竊何者威氣加而化上風惡害切而迫饑寒此滅絕所以不能詰其盜者也詩云大風有隆貪人敗類爾之教矣民胥效矣是故先王將發號施令諄諄如也唯恐不中而道於邪故作典以為民極上下共之無有私曲三府制法未聞敎彼有罪獄官惟實者也故明君臨衆必以正軌既無厭有節節禮而厚下復德而崇化使皆阜於養生而競於廉恥也是以官長止而百姓化邪心慙而姦匪絕然後乃能協和氣而致太平也易曰聖人養賢以及萬民為本君以臣為基然後高能可崇也馬肥然後遠能可致也人君

不勝此而欲致太平此猶薄肚而望高輪驥脊而責遠道其不可得也必矣

申鑒

時事

或問祿曰古之祿也備漢之祿也輕夫祿必稱位一物不稱非制也公生貶則私利生私利祿則廉者匱而貪者豐也夫豐貪生以置廉貶公是亂也先王重之曰祿可增乎曰民家財愈增之宜矣或曰今祿如何曰時匱也祿依食食依民參相濟必也正食祿省闕元與時消息昭惠恤下損益以度可也

俸祿

國非賢不又賢非后不食古先哲王設官致治必先正位位定然後制祿三代相公官倍於古周官太宰以八柄馭羣官其二曰祿秦漢而下命秩尤衆差定名數以月受俸下足以代耕上足以行義斯經世之令典官人之達道雖百代孰能易哉若乃上無虛授下無虛受實之以禮報之以功使賢者無家食之歎居官絕素餐之譏傳曰行爵出祿必當其位斯之謂至治矣

文獻通考

論厚祿宜有限制

按孟獻子曰畜馬乘不察於雞豚伐冰之家不畜牛羊百乘之家不畜聚斂之臣言公卿大夫既有俸祿不當與民爭利也漢列侯封君食租稅歲率戶二百如千戶之君則二十萬可謂富矣而欲效富人廣畜田園如田蚡以外戚為相奉邑飲食收多治宅甲諸

第田園極膏腴之類是也漢時亦曾為之制至晉武詔王公以國為家京城不宜復有田宅欲為之限得古意矣然城中有往來之地近郊有芻蕘之田則是王制所謂湯沐之地且所限止於京城則王戎所謂園田水碓周徧天下者國未嘗為之限何耶

大學衍義補

頒爵祿之制

周書武成曰列爵惟五分土惟三臣按封爵之制自唐虞時已別為五等曰公侯伯子男觀虞書所謂輯五瑞修五玉解者謂瑞玉為五等諸侯所執之圭璧可見矣

周禮天官太宰以八柄詔王馭羣臣一曰爵以馭其貴二曰祿以馭其富

春官內史掌王之八枋之法以詔王治一曰爵二曰祿

祿

夏官司士以德詔爵以功詔祿以能詔事以久寔食臣按公侯伯子男孤卿大夫士爵也天子之田至君十卿祿也卿以貴之臣非得君之爵則無以為榮祿以富之臣非得君之祿則無以為養是爵祿者天子所操之柄所以崇德報功而使之盡心任力殫世磨鈍而使之趨事赴工者也其柄必出於上非人臣所得專也故周禮天官之太宰內史夏官之司士其於爵祿惟以詔告於王而已非敢自專其柄也以此為防惟恐司其事者或有所專擅後世乃有非所司而手握王爵口銜天語者安得不罹凶國害家之禍哉

孟子曰天子一位公一位侯一位伯一位子男同一

位凡五等也君一位卿一位大夫一位上士一位中士一位下士一位凡六等

天子之制地方千里公侯皆方百里伯七十里男五十里凡四等不能五十里不達於天子附於諸侯曰附庸天子之卿受地視侯大夫受地視伯元士受地視子男大國地方百里君十縣祿卿祿四大夫大夫倍上士上士倍中士中士倍下士下士與庶人在官者同祿祿足以代其耕也

臣按孟子言班爵祿之制與周禮王制不同周禮諸公之地封疆方五百里侯四百里伯三百里子二百里男百里而孟子則通天子而言公侯皆方百里伯七十里子男五十里王制王者之制祿爵公侯伯子男凡五等而孟子則通天子言而以子男同一位而爲五等諸侯之上大夫卿下大夫上士中士下士凡五等而孟子則兼君言而通以爲六等與夫王朝卿大夫士分地受祿之制亦有不問者焉孟子固先自言其詳不可得聞矣此蓋其略爾先儒亦謂其不可考闕之可也臣姑載之於篇而徵考其所以與二書不同者以見成周所頒爵祿之制其大略有如此者

供範凡厥正人既富方穀汝弗能使用有子而家時人斯其幸
臣按漢張敞蕭望之言於其君曰倉粟實而知禮節衣食足而知榮辱今小吏俸率不足常有憂父母妻子之心雖欲衆身爲廉其勢不能宋夏竦亦曰爲國者皆患吏之貪而不知去貪之道也皆欲吏之清而不知致清之本也臣以爲去貪致清者

在乎厚其祿均其俸而已夫衣食關於家雖嚴父慈母不能制其子況君長能檢其臣乎秉餼切於身雖巢由夷齊不能固其節况凡人能守清白乎二臣之言其庶幾洪範之意歟
王制曰夫圭田無征
孟子曰卿以下必有圭田圭田五十畝

臣按三代盛時所以優待君子者如此之厚唐宋之職田蓋其遺意也
漢宣帝詔天下曰吏不廉平則治道衰今小吏皆勸事而俸祿薄欲其母侵漁百姓難矣其益吏百石以下俸十五

光武詔增百官俸十石以上減於西京舊制六百石以下增於舊秩
臣按此二詔皆推洪範既富方穀之意益官之俸而於吏之小者尤加厚可謂善推古人之意而廣之矣宣帝所謂吏不廉平則治道衰尤爲確論有天下國家者不可不知也

宋太祖詔曰吏員冗多難以求其治俸祿鮮薄未可責以廉與其冗員而重費不若省官而益俸州縣宜以口數爲率差減其員舊俸外增給五千
臣按宋太祖所謂與其冗官而重費不若省官而益俸此古今之至論也臣敢舉以爲今日獻

古今治平略
歷代爵祿之制
周官太宰八柄之詔曰祿以取富司徒十二之教曰以庸制祿是祿秩有定數矣故司祿則有中下士班之內史則贊王以方出之不吝苟也古者賦祿以田

公卿大夫有功德者皆有采地如百里七十里五十里之國是也未有采地者必有圭田如載師之士田是也不可以受田者則有稍食王宮之宿衛則宮正均焉后宮之人民則內宰均焉至於士庶及衆庶在外守城郭溝洫者則掌固均之載夫國師府史之吏在官中則校人等之內外朝官吏留治文書者則犢人共之若此者需有常數給有定員而一皆出於康人之所藏以待匪頒賜者也夫周人之祿祿必使司祿班之而使官正內宰等官給之不獨可以杜官吏之侵欺而且以養士大夫之廉恥至於大夫以下位卑祿少故大小國不殊卿與君祿厚權尊故隨國之大小爲節則隆殺又有別也若乃下士與庶人在官者同祿祿足以代其耕而由上農夫食九人積之祿率以是爲差則又取之公田什一之稅而足以供之無煩他取也雖然祿不苟班食不苟制司士一官以德詔爵以功詔祿以能詔事以久其食必有其功而後可以制其祿必任其事而後可以食其祿無功而受祿不事而素食豈周官之所容故是故官正月終則會其稍食歲終則會其行事焉內宰歲終則會其稍食稽其功事而正歲則均其稍食施其功事焉豈有食浮於事耶不惟是實豐師歲終則稽其事以制其食衆人則乘其事而上下其食一蠶工之微且必求其事與食相副則三百六十官屬豈有功於祿者耶至管子相齊爲賦祿之制賦祿以粟按田而稅晉文公屬百官賦職任功公食貢大夫食采士食田庶人食力工商食官皂隸食職官宰食家其後卿大夫祿地多踰於古伯氏駢邑管仲齊社至於三

自宋與左師齊與晏子邑各六十魯施氏之宰邑至百室鄭子產之賜受以八邑至若以原思爲宰而粟九百孟子爲齊卿而祿十萬鍾則是三代以食人衆寡爲差蓋無不以穀粟制祿也漢制列侯有食邑有餐錢其吏祿自三公而下至百石吏祿各有差其見於百官表之注者皆以穀計也至所謂丞相大將軍俸錢亦月止六萬是漢祿多而錢少黃禹拜祿大夫之秩八百石俸錢月九千二百蓋寬饒以大中大夫擢爲司諫校尉俸錢月數千當時亦以爲祿厚加之節臘有賜士大夫足以養廉而無冒貶千祿之慙惟小官庠秩稍祿既薄而實賜不及焉則不能以自奉此東方朔所以借侏儒而諷上也宣帝神爵三年詔曰吏不廉平則治道衰今小吏皆勤事而俸祿薄欲無侵漁百姓難矣其益百石以下俸十五哀帝又益吏三百石以下俸自是小吏稍稍優游光武中典其千石以上減於西京六百以下加於舊秩是光武之減吏祿乃所以益小吏也未初四年減百官及州郡縣俸有差凡受俸錢皆半錢半穀帝延平中二千石月錢九千米七十二斛眞二千石月錢六千五百米三十六斛當時計祿猶米多而錢少況於前乎而又伏則有賜臘則有賜立春則又有賜船之制此數於漢官儀可考者也晉武帝泰始三年詔曰古者以德詔爵以庸制祿雖下士猶食上農今在位者祿不代耕非崇化之本也其議增吏俸賜王公以下帛有差宋末元初制州郡秩俸隨土所出無有定準田祿以芒種爲斷梁天監初定九品令一品萬石二三品中二千石四五品二千石及侯景亂國用常福京官

文武月惟別得康食多遙帶一郡縣官而取其祿秩焉後魏初無祿秩至太和八年始頒俸祿罷諸商人以簡民事增調三匹穀一斛九升以爲官司之祿其祿每季一請諸宰人之官各隨近給公田有差更代相付至十年議定民官依尺給絹而邊方小郡至一請給不滿匹云嗣是北齊則以帛制祿差其匹後周則以粟制祿差其石隋因周制大者差百小者差十而食封及官不判事者皆不給已又給內外官職分田并公廩田各有差以供用焉義寧二年唐王爲相國罷外官給祿每十斛給地二十畝唐初外官無祿太宗貞觀中制有上考乃給祿其後遂定制京諸司則有公廩田諸州則有職田亦各有差而祿米以民地租充分官爲九品有正有從視品數而給凡文武官每歲給祿以石計者總一十五萬有奇而在外者不與焉其俸祿之制則以公廩錢充公廩錢者官給錢本置令史府史同易納息以充俸考之通典凡在京文武官每歲給俸食等錢以千計者總一十五萬有奇而員外置不與焉是唐初俸祿與米相等矣尋從褚遂良之言罷公廩錢令史而本府仍給月俸所以養其廉也宋徽元年以租脚直爲百官俸料其後又薄一歲稅以高戶主之月收息給俸專以稅錢給之又有防閑庶僕開元初從崔鴻之請始加賦以給官俸大抵唐制有俸有料有賜或年給季給月給日給春秋給其後無事則增加軍興則半給而後愈增愈重天寶數倍於開元大曆數倍於天寶時方鎮權臣月俸有至九十萬者州刺史至十萬而京官祿寡薄自方鎮入八座至謂罷權臣由左丞乞歎

州刺史家人恨降之晚崔祐甫任吏部員外求爲洪州別駕使府賓佐有所件者屬爲郎從官其當還臺閣者皆以不起取罪去李泌以爲外太重內太輕乃請隨官開劇增其俸時以爲宜是比大曆制祿又厚矣元和申李吉甫并省冗員因言國初官一品俸二千職田祿米大抵無過千石至大曆而濫極常哀始爲裁限李泌又量增使相通融然有名在職廢俸存額去開劇之間厚薄頗異亦請一切減之詔始行焉遂爲常法自此至會昌以復不復增減此唐之大略也自唐正元四年定百官俸至僖昭亂離國用乏闕天祐中止給其半梁開平始令全給後唐同光祖庸使孔謙以軍儲不充百官月俸萬數雖多而折支非實請減半數而支實錢是役所支半實俸虛折顯德三年復給實錢宋明之制大約依後唐所定數其非兼職者有一分實錢三分折支開寶三年減州縣官而益其俸詔曰吏員冗多難以求其治俸祿鮮薄未可責以廉與其冗員而重費不若省官而益俸州縣宜以口數爲率差減其員舊俸外增給五千又復州縣雜職等官奉戶太宗雍熙四年詔曰王者設班爵以叙貴差祿秩以養賢所宜各懸厥官共成庶務顧其稍食宜在優豐應內外文武臣僚等折支俸錢舊以八分爲十分支給自今並以實價給之景德罷兵之後始詔凡俸給他物者京師一千給實錢六百在外四百帝嗣位以來承二帝泰儉之後富有積承平既久賦斂至薄軍國用度之外未嘗廣置自奉且以庶官勤事非厚稍無以資康故因行慶時加優給至入內侍省亦等第加給焉仁宗寶元初論者

欲損吏兵俸賜帝曰祿廉皆有定制毋遽變更以搖人心實元間陝西用轉臣議節浮費有議百官俸賜上曰朕所欲去乘與服御宮掖奢侈奇巧無名之費不慮之用爾今朝家擇人用職賜自有定制何可裁減嘉祐五年定祿令之制兩府米月止百石而俸錢則宰相月三百千執政月二百千而使相則四百千其餐錢之在此外者以月計之亦不下四五萬錢則是特俸錢多於祿米矣元豐肇新官制職事官職以寄祿官高下分行守試三等大率官以祿合爲準而在京官供給之數皆併爲職錢如大夫爲郎既謂大夫俸矣又請郎官職錢視祿祿制爲優至崇寧間蔡京秉政食部者在位於寄祿官俸錢職事官職錢外復增供給食料既請僕射之俸又請司空之俸其餘侍從錢米皆支本色執政亦然則視元豐制又增倍矣紹興與兵興京官以上各減三之一而小官之俸或反增於曩時所以資廉節也大槩宋初開創雖實前代俸給未有實數也而彼給以實數前代俸祿未有實錢也而彼給以實錢省官益俸見於開寶後祿養賢見於雍熙在祥符則加之在寶元則不減之其爲士大夫慮至悉也然此皆天子意也非臣子自爲身計也自元豐諸臣以省俸之名欺其君以增俸之實豐其身寄祿官有俸錢職事官又有職錢所以入者厚矣以元豐之制比之元祐最爲優異而奚以省言也雖曰五品降爲六品七品降爲八品然此特章服禮議減降反用舊品而又奚以省言也元祐稍減於元豐而紹聖復沿於元豐其切於已計如此故然此猶未至於極也崇寧蔡臣自奉過度俸

錢職錢之外又有食料等錢有言之者則以減俸非治世事止之噫古之制祿爲天下公後之制祿爲一己私竭膏血之私奉溪壑之欲君子爲之寒心焉中興以來一洗陋政可謂增損得其道矣然放其初制可爲後世治者非一而其二大要有一曰優小吏二曰優外臣三曰優故老選人之俸際寧增之小官之俸紹興又增之非優小吏乎小吏加優則廉節立矣均給外官職田見於慶曆按支外官供給見於紹興非優外官乎外官加優則輕外之患去矣淳化中致仕給半俸景德中致仕俸給如分司官非優故老乎故老加優則特賢之意焉而眾者知勸矣雖然上之所待我者厚矣我之所以自待者宜如何日觀願觀其所養也自求口實觀其自養也以溫飽爲念而從事於囊帛糧金舍爾靈龜觀我桑榆殆非所望於君子是故所給俸券請之於府任職奉使不肯廉給天下未始無鄭公伊川也然不可謂皆鄭公伊川也自由祿米以濟貧民自分俸錢以賑荒飢天下未始無寇稱王居白也然不可謂皆寇稱王居白也至我國初吳元年選郡縣官三百三十四人賞綺布道里費及其父母妻子有差著爲令曰以養汝廉奉公無源民也洪武元年詔中書省自今除府州縣官賜銀十兩布六匹徵天下賢才爲守令厚賜而遣之三年給朝臣袍帶賜廉吏高縣劉典史布帛擇文儒品行清淑者充學官賜文武朝服公服又賜冬衣六年令京官三月一考考升一等外官三歲一考考升一階增公侯伯都督丞相御史大夫等官祿有差八年增尚書行省參政公田祿各百石十年制賜給百官公

田租充祿俸初給典史俸有差十二年著令給丁憂官俸有差十三年置判祿司頒臣戒錄二十二年令六部都察院所屬歷事官三年無私過者給全俸一年給半俸二十五年頒釐食簡要錄未樂初令京文武官米鈔兼支以品次分有差宣德七年大學士張瑄乞增南北南京七品以下官俸正統元年都御史言洪武間京官俸全支後因營造減省遂爲例近來小官多不能贖乞下廷議增俸國初是謀力役當是時百官俸全支已乃折鈔鈔法不行小臣不能給遂有柴薪之名徵其銀月一兩宣德中都御史顧佐以柴薪事被訐上問楊士奇對曰京官月俸一石薪炭馬刍咸資皂隸追半取直藉其用彼得歸耕人情爲便京官皆然臣亦然自是遂爲例十四年兵部重定官員合用皂隸數成化元年國子助教李伸上言五事曰益小吏之俸常人之情必衣食足斯廉恥興今有司俱無全俸須多折鈔衣食不足未免苟取於民宜勅賜在內七品以下文官全俸七品以上半之上命議行按國初官支全俸外尚多歲時賞賜正旦元夕冬至例賜酒米錢米樂營建北京乃定每歲京官之俸春夏折鈔秋冬則蘇木胡椒五品以上折支十之七以下則十之六及十之三是時鈔重物輕公私兩便宣德間胡濙始請米一石折鈔十五貫然物日以重鈔日以輕軍國之需益繁折支贖數僅一支成化五年御史李瑄監內帑出納見紵絲綾羅及書畫銅錫等器用皆委積庫中乃請以充俸鈔制曰可聽分授各官然日後亦數歲一行有終弗及支者若鈔則支者日益鮮矣又官吏折俸布簪於甲字庫折

經濟叢編銓衡典第七十九卷職制部

第六七三篇 之三九葉

古今圖書集成

支者每關白布一匹折米四十石成化十六年戶部以爲言始改折三十石然布極細者不過值銀二兩而米遇貴石值銀一兩已自懸絕後又以粗綿布值銀三四錢者支與是粗布一匹准價銀三十兩矣從古所未有也正德元年部臣議支職陞俸終身帶支者但照原官品級上支如由正七品陞俸則終身止加從六品俸後復陞官不得隨品加支嘉靖二十八年令戶部查中外官陞俸條格得旨今後內外官俸微非係軍功者遷陞後不許帶支著爲令其軍功陞俸并柴薪帶支該部還將品級應加之數條具以聞

王奔州曰國朝祿數視前代差已薄而宜復以後以禮運觀意爲爵五品以上三分折銀七分折鈔六品以下四分折銀六分折鈔折銀每石七錢折鈔者又改折絹往往每二十石不能一兩於是仰事俯育且不足不能不假借於皂隸銀矣至七年尚書胡濙請官俸每石舊折鈔二十五貫欲減爲十貫而少師蹇義言仁宗在春宮久深知官級折俸之薄故即位特增數倍此仁政也豈可遽裁漢乃減爲十五貫自是小官不足者多矣正統以前每兼一官則支一俸固解者九正統以後兼官雖三四止從高者或以勞績勳猷加夫則爲特恩自是雖登秩亦不免苞苴矣

論百官俸給

國初定制百官俸給皆支本色米石如知縣月支米七石歲支米八十四石足爲養廉用度後改四品以上三分本色七分折色五品以下四分本色六分折色僕又改在外官月支本色米二石其餘俱支折色

其折色以鈔爲則每米一石折鈔十五貫或二十貫每布一匹折米二十石京官折俸四五年不得一支外官還不得支此貪婪之難禁也

祿制部藝文

祿制論

漢荀悅

先王之制祿也下足以代耕上足以充祀故食祿之家不與下民爭利所以厲其公義塞其私心其或犯逾之者則繩以政法是以君子勸慕小人無怨若位卑祿薄外而不充憂隱是卽所求不贖則私利之志萌矣故位而聽之則貪利之心溢矣以法繩之則下情怨矣故位必稱德祿必稱爵故一物而不稱則亂之本也今漢之賦祿薄而吏非法者衆在位者貪於財產規奪官民之利則殖貨無厭奪民之利不以爲恥是以清節毀傷公義損缺富者比公室貧者匱朝夕非所爲濟俗也然古今異制爵賦不同祿亦如之雖不及古度時有可嘉也

辭祿賦

宋謝靈運

荷賞延之運恩在弱齡而草蕙蒙聖達之眷顧得乘閒以沈澁雖鶴鳴之有名恆遊美而匪薄解龜紐於城邑反褐衣於丘窟賴人事於一朝與世物乎長絕自奉緼於朱紱二九於斯年服纓佩於兩官執轡

笏於宰蕃

官吏清廉策

唐白居易

臣聞爲國者皆患吏之貪而不知去貪之道也皆欲吏之清而不知致清之由也臣以爲去貪致清皆在乎厚其祿均其俸而已矣夫衣食關於家難嚴父慈母不能制其子况君長能檢其臣吏乎凍餒切於身雖巢由夷齊不能固其節况凡人能守其清白乎臣伏見今之官吏所以未盡貞廉者由祿不均而俸不足也不均者由所在課料重輕不齊也不足者由所在官長侵剋不已也甚者則有官秩等而祿殊郡縣同而俸異或削奪以過半或停給而彌年至使衣食不充凍餒並至如此則必踣白刃冒水火而求私利也况可使撫人字物斷獄均財者乎夫上行則下從身窮則心濫今官長日侵其吏而望吏之不日侵於其人不可得也蓋所謂渴馬守水餓犬護肉則雖日用刑罰不能懲貪而勵清必矣陛下今欲革時之弊去吏之貪則莫先於均天下課料重輕禁天下官長侵剋使天下之吏溫飽充於內清廉形於外然後示之以恥糾之以刑如此則縱或爲非者百無一二矣

省官併俸減使策

前人

臣聞古者因人而置官量賦而制祿故官之省量必稽人戶之衆寡祿之厚薄必稱賦入之多少俸平官足以理人人足以奉吏吏有常祿財有常征財賦吏員必參相得者也頃以兵戎屢動荒殍薦臻戶口流亡財征減耗則宜量其官而省之併其祿而厚之官省則事簡事簡則人安祿厚則吏清吏清則俗阜而天下所由理也然則知清其吏而不知厚其祿則

飾詐而不廉矣知厚其祿而不知省其官則財費而不足矣知省其官而不能選其能則事墮而不理矣此三者迭為表裏相須而或者也伏惟陛下詳而行之臣又見兵興以來諸道使府或因權宜而置職一置而不停或因覽勞而加俸一加而無減致使職多於郡縣之吏俸優於臺省之官積習日生煩費滋甚今若量其職員審其祿秩使多寡有常數厚薄得其中則費不廣而下無侵削之患矣職有常數則事不煩而人無勞擾之弊矣此又利害之相懸遠者伏惟陛下念而採之

百官職田策

前人

臣伏以職田者職既不同田亦異數內外上下各有等差此亦古者公田稍食之制也國家自多事以來版制不舉故稍其地籍而田則具存考以戶租而數多散失至有品秩等官署同而廩祿厚薄之相懸近乎十倍者矣今欲辨內外之職均上下之田不必乎創新規其在乎舉舊典也臣詳按國朝舊典因品而授地計田而出租故地之多少必視其品之高下租之厚薄必視其田之肥磽如此則沃瘠齊而戶租均等列辨而祿食足矣今陛下求其典而典存焉案其田而田在焉誠能申明而舉行之則前弊必自革矣

復天下州縣官職田勅

宋張方平

昔在先帝詔復公田合王制班祿之差得聖人養賢之義載原深旨本自愛民比者縉紳之間屢陳利害之意以謂郡縣受地有無不齊銓署除員權利為幸爭競以之傷俗因緣至於害人故舊命官斷以定數賦足於浮弊然未安於平懷也云乎厚祿以勸

羣臣則下之報禮重凡厥文武仕於朝廷雖廉潔者惟士之常而富貴者人之所欲其全寬大之體自有公平之制所宜給其所未給均其所未均約為等差榮令增足使事父母者得以致其養畜妻子者得以致其樂冠婚喪祭有所奉慶恤饋問有所施不奉私室之憂必專公家之慮則六計可以辨羣吏之治四方可以期衆職之修儻自犯於有司亦何追於瘳瘳上廣先朝之惠示不敢渝下俾諸臣之言審茲自定惟中外體予所存

答傅守劄子

朱熹

垂諭曲折極感眷念之勤但茲事節意初固料其如此蓋理法當然無可疑者台念不置宛轉至今事體益以明白在使府雖欲奉承朝廷矜恤之美意而在憲豈得執法令之疑文以冒受所不當得之祿哉竊雖貧病然為日已久粗能自安實不敢以此自毀廉隅仰累執事謹具狀中乞寢罷其未行者收毀其已行者以安愚腹之迹切望憐其誠懇特與施行千萬幸甚

乞宮觀劄子

前人

竊伏自頃歲罷官浙東聖恩畀以祠祿至今滿考家貧累重未能忘祿望欲特賜數奏更與再任一次伏惟指揮

申建寧府改正補助俸給狀

前人

右憲昨於去年二月內準尚書省牒差充上件差遣當申使府批書勸請俸給案糧料院依職司人例幫助緣案昨來雖蒙聖恩除授江西江東提刑當即辭免並不曾受告赴任難以依職司人例助請俸支已

即節大具狀申使府乞行改正未蒙施行在憲私義實難冒受今再具狀申建寧府使衙伏乞指揮依條施行謹狀

答龔參政書

前人

乃者明公還朝一再旬期即被書贊廷登廟堂近歲以來若臣之契感會神速未有若斯之盛者竊竊聞之不勝其喜即欲修咫尺之書以稱慶於門下顧以衰病懶廢因循前却以至於今而遂不知所以進也不謂明公眷念不忘枉賜手教伏讀感懼不知所言又得本府韓尚書報朝廷以憲未敢受祿之故申飭所司特給符券府司既受而行之矣此非明公矜憐之厚則亦何以得之自是以以往不惟得以少追溝壑之虞抑使窮悴孤蹤不以矯異說激得罪於公正之朝為幸大矣惟是支離伉拙無由進趨賓朋之後自竭愚賴以報萬分伏惟明公深以平生所學為念仰體聖天子所以圖任仰成之心端本清源立程陳紀使險邪退聽公論顯行則羣生蒙福海內幸甚憲不勝瞻望惓惓之至

請令文武致仕官依外任官給俸錢

呂公著

臣竊以古之仕者七十而致仕雖有不得謝者然年至而去實禮之常制蓋當其壯也既竭勤盡瘁以任其事故及其老也則使之優逸以終其身此君上之至恩而臣下之極榮也然則本朝以來凡致仕者雖例改官資或推恩子弟年及而願退者常少議者以疲癯老疾之人其精神筋力不足以任職則或至於棄政而害民故著今應年及而不退者自知州以下

古學彙編

皆降為監當然比年以來致仕者亦不加多夫昔為守令而今雖務趨至愚之人豈不以為辱然所以被辱而去者亦由朝廷立法有以致之何則古之仕者終身食其地今之致政者即日棄其廩古之仕者不出鄉里今則有奔走南北之勞古之仕者常處其職今則有罷官待次之費故自非貧賤者不棄其資產則其祿已常苦不及一日歸老則妻子不免於凍餒是以難廉之士猶或隱忍而不能去議者不惟其本則曰此皆無恥之人宜思所以重辱之此朝廷之恩所以愈薄而臣下之節所以益壞也臣愚欲乞憲文武官致仕非因過犯及因體量者並依外任官例與給四方俸錢歲時州郡奉致酒樂之問如此則自非無恥之甚者莫敢不抱恩德爭自引去矣朝廷優之如此而猶不能去則雖重辱之不為甚過也或曰今國用方急不足則吏祿豈宜有增臣竊以為今日所設正為年及而不退者彼若年及而不退則其祿故未肯絕如此日人多引去則今之去而受祿者乃向之不去而居官者也臣所論者其貴國無所費而凡以全遇下之恩臣無重辱而足以去廉官之弊伏惟陛下下以仁厚德風化天下則於優養者老固所先務伏乞詳酌施行

賈祿

明何喬新

嘗謂爵以崇德不可以濫授祿以養賢不可以濫及蓋爵祿者人君之大權所以屬世而弗絕也爵祿無節濫之患則天下可從而理矣粵稽諸古成周家宰以八柄詔王馭羣臣有曰爵以取其貴祿以取其富司士掌羣臣之版有曰以德詔爵以功詔祿載師之

論祿米

王瓊

職有士田賞田而卿大夫之采邑則有大都小都之田仕官然後爵之位定然後祿之外則公侯伯子男則有九命五命之制內則公卿大夫則有八命四命之別周未始輕以授人也自春秋之時吳越之君僭號而古人列爵之意遂亂戰國之時諸侯惡其害己而皆去其舊故司祿之職遂闕今其遺制僅見於王制孟子之書自公一位而至子男同一位者皆爵也自若十卿祿而至于士在官者皆祿也漢承秦制其制爵也曰卿內侯者即無受邑曰微侯者乃得食祿曰大庶長以至公士者如史職耳要之自侯以上則食租自大庶長以下則贖罪遷轉等級截然有紀其祿也曰真二千石者歲得千八百石曰比二千石者歲得千二百石曰中二千石者歲得二千六百石曰二千石者歲得千四百石下至百石亦各有差光武中興千石以上減於西京舊制六百石以下增於西京舊秩在唐則爵有九等曰王國至子男邑數亦有九口萬戶至三百戶然後假以虛名而無實攝之柄焉祿之多少則視其品級之高下京諸司則有公卿田諸州則有職田然其後方鎮所取無算而京官俸祿寡薄焉宋懲唐弊其爵有五等曰公侯伯子男也其祿則內外百司皆有祿以養之也漢惟天朝酌古今之宜定爵祿之制功有大小則爵有尊卑位有高下則祿有厚薄蓋與成周之制同一揆也又豈漢唐宋所可比哉

方豐獻或有減支郡王將軍俱有常祿亦因民供有限悉減支一半本色一半折色其折色多不關支又如初封郡王歲支二千石以後襲封俱支一千石後亦有例初封郡王亦支一千石又如郡王生子多至三三十人者有之慶成王生七十子只以十子論之一歲該支米一萬五千石反多於一字王祿米矣先年陝西慶府分封郡王俱於慶府一萬米內分撥并軍校亦於大府分出不知彼時本何事例又於鎮國等將軍年十二歲即請封號祿米弘治十一年因災異禮部會官議修省事件郎中慈裕王請曰於諸大臣定假鎮國等將軍年及十五歲方准撥支祿米至今行之以民論之則日益不給以宗室論之往往衣食不繼反不如庶民之家得自為生計也又宗室犯罪降為庶人者計口月給米石比與將軍中尉反得實惠宗室例不得種田納稅商販營利而常祿不給日見其貧乏不得存活矣國初定制百官俸給皆支本色米如知縣月支米七石歲支米八十四石足供養廉用度後改四品以上三分本色七分折色五品以下四分本色六分折色後又改在外官月支本色米二石其餘俱支折色其折色以鈔為則每米一石折鈔十五貫或二十貫每布一匹折鈔二十貫京官折俸四五年不得一支外官通不得支俸祿之制果能守哉欲禁貪婪是以難也

定實支以別親疏

徐恪

臣於去年八月曾奏均俸糧以節糧儲大略以府州縣地畝稅糧實徵額數無甚增於國初各府郡王并將軍中尉郡王僕賓等食祿之家乃十倍於國初

以其所入較其所支已不相當况稅糧之存留本處者又多貧難或逃亡遺下之數雖嚴督追併難完足而水旱災傷十常六七以故郡王將軍祿米不得常全支今查得郡王將軍本色折色中半兼支如郡主儀賓與輔國將軍祿米俱八百石今支本色五百石比之輔國將軍反多一百石縣主儀賓與奉國將軍祿米俱六百石今支本色四百石比之奉國將軍亦多一百石且儀賓之選多是富室子孫兼有餘財原有餘粟作貢王家榮幸已極祿以百計養贍亦厚况段草之末比與大潢之派不同實支祿米豈宜過多欲將各府郡主縣主郡君縣君鄉君該得一年祿米比照郡王將軍事例本色折色俱中半兼支儀賓該得一年祿米比之郡主縣主郡君縣君鄉君各減一等本色四分折色六分惟復不須減等一體中半兼支誠以將費不足利害所關朝夕講求方始具奏意望朝廷為念親親使疏不踰親祿不逾富情節冗費以補闕乏臣而廷臣議擬戶部查行奏蒙皇上特賜俞允有議聞之咸以為慮意謂此議必將累多益寡朝上又行今又數月矣不蒙施行伏惟親親之仁各有等殺終國之計亦有重輕今宗室日繁姻屬日多而爵祿有限祿停日增在民者既不可額外加徵在官者又不即數中京益更數十年將有不勝其難者矣於今節省已為太晚若更遲則雖四海之富經賦所入豈能供此無窮之冗費哉况周府各郡王教授出給儀賓祿米領狀有依今擬中半減支本色者有依原擬仍舊全支本色著雖各省令布政司經呈戶部未經畫一合再僭陳乞勅該部檢臣前奏合

無將各處王府郡主以下并儀賓本色折色祿米斟酌時宜著為定例通行各布政司遵依施行所費輕重適宜支用有節一歲之間冗費之省當不下二十萬石橫以歲月不無小補

議處官吏廉俸

王守仁

照得近來所屬各州縣衙門所食場等衙門大小官吏以職問革者相望而冒犯接踵究詢其由皆云家口衆多日給不足俸資所限本已微薄而近例減削又復日甚加有上下接應之費出入供送之繁窮窘困迫計出無聊中間亦有甘貧食苦刻勵自守者往往復俱繼後至於任滿職革負債纏結不得去歸其鄉夫貪墨不才法律誠所難貸而其情亦可矜憐夫忠信重祿所以勸士在昔任人既富方穀庶民在官祿足代耕此古今之通義也朝廷賦祿百司厚薄既有等級要皆使得裕其資養免其內顧然後可望以盡心職業責以廉恥節義今定制所限既不可得而擅增至於例所應得又從而裁削之使之仰事俯育且不能遂是陷之於必貪之地而責之以必廉之守中人之資將有不能而況其下者之衆乎所據前項事理非獨人情有所未與其於政體亦有所損合行會議查處參酌事理輕重及查在外官員自二品至九品并雜職吏胥等俸米除本色外其折色原例每石作銀若干於何年月日裁減作銀若干應否復舊或量行加增務要議處停當呈奏定奪施行